


R E N F R A W.

63

EX CAMDENO.



Reinfray
Baronia.

Randuray.

Barones

Cartheart.

Cruickston.

Barones de

Roos.

Pasley.

ADDIT.

Barones

Sempill.

D Glottæ ripam ci-
teriore sita est Ba-
ronia de Reinfray, à pri-
mario oppido dicta,
quæ Ptolemæi RAN-
DVARA videtur ad
Cartheart fluv. qui sui
incolam habet ejus-
dem nominis priscæ
nobilitatis Baronem

de Cartheart, cui vicina sunt (eximia etenim est
hæc provinciola nobilitatis alrix) Cruickston se-
des quondam Dominorum de Darley, à quibus
jure conjugali ad Levinia sive Lenoxia Comites
devenit, unde Henricus pater Regis Iacobi
VI. Dominus de Darley dictus; Halkead Baro-
num de Ros ex Anglica origine, utique à Ro-
berto illo Roos de Warke genus trahunt, qui
olim relicta Anglia fidem Regis Scotorum
sequutus: Pasletum, vulgo Paslay, monasterium
quondam celebre ab Alex. ejus nominis se-
cundo Scotiae Seneschallo fundatum, quod
templi splendore & apparatu paucis cessit.
nunc habitationem & Baronis titulum beni-
gnitate R. Iacobi Sexti Claudio Hamiltoni filio
minori Ducis Castri Heraldii præbet, [filius ejus
Iacobus titulo Comitis de Ebberkorn nunc gau-
det.] & Sempill cujus Dominus Baro Sempill jure
antiquo hujus Baroniae est Vicecomes. Sed
titulus Baronis de Reinfray ad Scotiae Principem
peculiari jure spectare legimus.

ADDITAMENTVM,

Auctore

ROBERTO GORDONIO.

Renfroana provincia, vulgo Baronia de Ren-
frow, sic dicta ab oppido primario ad si-
nistram Glottæ ripam.

Porrigitur in longitudinem ad milliaria 26.
Vbi vero latissima in 13. In Cuneum definens
ad templum de Innerkip. Tota vero in circui-
tum patet 70 milliaria.

Ad boream Glotta alluitur, & objacet Levi-
nia, ad occidentem ubi in Cuneum definit allui-
tur Glotta æstuario, & objacet Covalia, &

Argathelia, ad orientem Glottiana contigua,
ad austrum Cuningamia.

Solum jucundius quam fertilius, omnia ta-
men incolis abunde subministrat, & cælo
gaudet salubri.

Flumina duo habet præcipua, Cart, & Black
Cart, ejusdem fere nominis, in quæ cæteri om-
nes minores fluvii & torrentes influunt, & si-
mul juncta ad templum de Inthennen, unico
ostio in Glottam se exonerant.

Oppida duo numerat, Renfroam, ad fini-
stram Glottæ ripam, provinciæ totius caput, &
sedes conventuum præfecti seu Seriff: regitur
à Præfecto, Ballivis, & Senatu urbino, uti aliæ
urbes Regiæ, quæ jure suffragii in supremis
Regni comitiis fruuntur. Pasletum oppidum
Renfroa speciosius & majus, ad sinistram Carti
fluminis ripam, eleganti & pulchro situ: ha-
bet è Regione in valle subjecta splendidissi-
mum palatium, quod olim fuit sedes Abba-
tum ordinis Cluniacensis, verum nunc cum
reditibus monasterii devenit in possessionem
comitum de Abercorn, qui Ballivos, ut vo-
cant, eligit, per quos Pasletum regitur.

Gubernatur à præfecto quem Sberiff vocant,
qui singulis annis à supremo Regis Senatu è
nobilibus provinciæ, Regis nomine eligitur,
olim hæreditario jure pertinebat ad Baronem
de Semplo, qui vel per se, vel per præfectos à
se electos, juri dicundo præerat.

Ecclesiastica gubernatio post ejectam hie-
rarchiam episcopalem rediit ad Aristocratiam
Pastorum & Seniorum in Classes, quarum uni-
cam munerat quæ ordinarie Pasleti cogitur.

Nobiles primi ordinis Baronias aut Domi-
nia hic possidentes, sunt, Dux Lennoxia, ad
Kruickston, & Inchennen; Comes Eglintonia, ad
Pounuim; Glencarnia, ad Finlastoune; Abircornia, ad
Pasley. Barones majores, vulgo Lords, Sem-
pleus, ad Semples; Rosius, ad Hacket. Blantyrus, ad
Kardonald. Inter minores nobiles ex ordine
equestri eminent Steuart de Minto; Steuart de Ca-
stle-milk; Steuart de Blackhal; Houstoune de Houstou-
nes; Maxwell de Pooch, Maxwell de Newwarck, Burs-
bie de Bishopton, Wallac de Ellerslie, Wallac de Ibon-
stoune, Fleming de Barachni, Cuningham de Cragens,
Semple de Fulwood, Semple de Catchcart, Shaw de
Greenock, Porterfield de Duchal, Cochran de Cochran.